



Broj: 01-07-10-51-262/2024
Sarajevo, 28.11.2024. godine

Udruženje „Dioničara, akcionara i udjeličara“ UDAU BiH

██████████
██████████
██
██

Predmet: Postupanje po zahtjevu za pristup informacijama - obavijest da za informaciju postoji obaveza zaštite, odnosno čuvanja tajnosti, *dostavlja se*

Veza: Vaš zahtjev od 21.11.2024. godine

Poštovani,

Visoko sudsko i tužilačko vijeće Bosne i Hercegovine (u daljem tekstu: VSTV BiH/Vijeće) je 21.11.2024. godine zaprimilo Vaš zahtjev za pristup informacijama kojim tražite odgovor na pitanje koje mjere su poduzete naspram tužioca Tuzlanskog kantona Č █████ S █████ nakon objave teksta na portalu Istraga.ba dana 22.9.2024. godine.

U odnosu na predmetni zahtjev, u skladu sa članom 26. stav (2) tačka d) Zakona o slobodi pristupa informacijama na nivou institucija Bosne i Hercegovine ("Službeni glasnik BiH", broj 61/23; u daljem tekstu: Zakon), obavještavamo Vas da za traženu informaciju postoji obaveza čuvanja tajnosti, shodno članu 2. stav (2) i (3) Zakona, koji glasi: „(2) *Odredbe ovog zakona ne primjenjuju se na stranke u sudskom, upravnom i na zakonu osnovanim postupcima, kojima je dostupnost informacijama iz tih postupaka utvrđena posebnim dopisom.* (3) *Odredbe ovog zakona ne primjenjuju se na informacije za koje postoji obaveza čuvanja tajnosti, u skladu sa posebnim propisima kojima se uređuje oblast tajnih podataka.*“, zbog čega Vijeće nije u mogućnosti da Vam dostavi podatke tražene Vašim zahtjevom.

Imajući u vidu da u skladu sa članom 70. stav (1) Zakona o Visokom sudskom i tužilačkom vijeću Bosne i Hercegovine („Službeni glasnik BiH“ br. 25/04, 93/05, 15/08, 48/07 63/23 i 9/24; u daljem tekstu: Zakon o VSTV-u BiH), „Svi postupci ili radnje koje se odnose na navode o povredi dužnosti ili nesposobnosti za vršenje dužnosti, a koje su poduzete prije nego što Ured disciplinskog tužioca podnese zvaničnu tužbu, povjerljive su prirode, osim ako se sudija ili tužilac na kojeg se navodi odnose u pismenoj formi ne odrekne prava na povjerljivost.“, dostavljanje traženih informacija nije dopušteno.

U skladu sa navedenim, proizilazi da je pristup informacijama koje UDT prikupi tokom istrage, ograničen u skladu sa *lex specialis* propisom, u kojem slučaju je njihovo neobjavljivanje u potpunosti opravdano i zasnovano na zakonom propisanom izuzetku, a kako je to omogućeno i u članu 6. stav (1) Zakona kojim je predviđen izuzetak od principa transparentnosti i otvorenosti informacija, a posebno član 2. stav (2) istog Zakona koji izričito propisuje da se

Pouka o pravnom lijeku: Protiv ove obavijesti može se podnijeti žalba Žalbenom vijeću pri Vijeću ministara Bosne i Hercegovine u roku od 15 dana od dana prijema ovog dopisa.

2. U spis

